



## RVDIMEN

TA COSMOGRA-  
PHICA.*ex libris**Jo: Baptista Decani Capalli**Imp:.**Aretij 93*

TIGVRI APVD FROSCHO-

nerum. Anno, M. D. XLVI





# RVDIMENTORVM COS

mographorum Ioannis ~~██████████~~

ronensis Liber I.



Ocelorū partes, stellas cū flatibus, urbes,  
Regnāq; cum populis, sparsas & in æ-  
quore terras,

Montesq; & fluuios, iunctisq; animalia plantis:

Officia ac sectas uarias, operumq; labores,

Morborumq; simul species & nomina dicam.

Mundus in æthèreum, qui desuper imminet orbi,

Inq; elementorum duplicatur corpora primum.

Aethereus duplices sphærarum continet orbes,

Fixaq; cum septem stellis errantibus astra.

Maiores cycli, qui mundum partibus æquis

Distribuant, ut signifer æquatorq; feruntur:

Quemq; dies medius designat, & imus horizon,

Lacteus, ac duo qui ducuntur ab axe coluri.

Zodiacus primum bisseis undiq; signis

Conspicius, tropicum attingens obliquus utrunq;

A summo cancrum, capricornum cernit ab imo.

At qui signiferum rectus secat, inq; priori

Lanigeri libræq; gradu lucem æquat & umbras,

Æquator, media in mundi regione locatur.

## LIBER

Qui paribus spacijs occasum cernit & ortum  
 Circulus, & gressibus concurret semper in axe:  
 Discernitq; diem, uariatq; mensembrinus orbem.  
 Hinc medium sphaerae superum distinguit ab imo  
 Alter, & is coeli primum terraeq; supremum  
 Coniungens, fertur (quia uisum finit) horizon.  
 Lacteus hinc sequitur candore notabilis ipso,  
 Qui solus caelo spectatur nocte sereno,  
 Transuersusq; diu geninum praetermeat axem:  
 Mox bini subeunt, qui quattuor ante relatos,  
 Seq; secant, gemino coeuntes cardine mundi,  
 Tempora qui signant anni, caelumq; per astra,  
 Quattuor in partes diuisum mensibus aequis.

Hinc alios numerant praedictis orbe minores,  
 Qui per inaequales diducunt sidera partes.  
 Circulus ad boream complectitur Arcton, & intus  
 Sidera concludit liquidum fugientia pontum.  
 Alter ad aestiui defixus sidera Cancri,  
 Solstitio longum cogit decedere Solem.  
 Tertius hunc ultra Brumalis nomine dictus,  
 Quo noctem tropico sol porrigit in capricorno.  
 Vnus ab his superest extremo proximus axi,  
 Quem terris pressum notius describit horizon.  
 Hisq; parallelis, zonis tibi quinque profundum

Diuiditur

# PRIMVS.

Diuiditur cœlum, totidemq; plagæ orbe premuntur,  
 Quarum quæ media est, uix est habitabilis æstu,  
 Nix tegit alta duas, totidem inter utranq; locatæ  
 Temperiem retinent mista cum frigore flammæ.  
 Hanc nos incolimus, contraq; antichthones illam.  
 Nec dubium antipodes multis consistere terræ  
 Partibus, ad centrum directis undiq; plantis.  
 Puncta duo cœlum in paruos ubi uoluitur orbes,  
 Constituere polos, gemitioq; à cardine mundi  
 Per centrum terræ tenuis deducitur axis.

Signifer hinc bissex obliquat sidera, quorum  
 Sex uidet ad boream, sex æquidialis ad austrum.  
 Terdenis gradibus signum distinguitur unum,  
 Bis tricena, gradus memoratur habere minuta.  
 Atqui signorum uaria est natura genusq;,  
 Mascula sunt, aries, gemini, leo, libra, sagitta,  
 Fusor aquæ, iunctumq; simul sortita calorem.  
 At sibi femineam consciscunt frigida sortem,  
 Bos, cancer, uirgo, capricornus, scorpio, pisces.  
 Frigida sunt nocti, sed mascula sacra diei.  
 Ipsa quoq; his anni uariantur tempora signis,  
 Nanq; aries, taurus, gemini, sunt sidera ueris:  
 Aestatem cancer, leo trux cum uirgine complent,  
 Scorpius autumnum, & duplici cum lance sagitta;

## LIBER

Inde hyemem pisces, capricornus, aquarius addunt.

Restat adhuc eadem ternis proportio signis:

Igneæ triplicitas aries, feruens leo, chiron:

Terrea sed taurus, uirgo & capricornus habentur:

Aëream sortem chelæ, urniger atq; gemelli:

Scorpius appropriat, piscesq; & cancer aquosam.

Deniq; cum uegetet communis corpora uirtus,

Singula membra tamen quoduis sibi uendicat astrum:

Quippe aries capiti, taurus ceruicibus hæret,

Brachia sub geminis censentur, pectora cancro.

Sorte regit scapulas leo, uentrem atq; ilia uirgo,

Libra tenet lumbos, & scorpius inguine regnat,

Arcitenens femori, genibus capricornus amatur,

Cruraq; fusor aquæ reficit, uestigia pisces.

Et quoniam uariæ currentes ordine stellæ

Corporis æquales spacio, similesq; colore,

Haud internosci poterant, solertia sparsas

Struxit in effigiem & uariarum membra ferarum,

Imposuitq; simul iunctis cognomina stellis.

Ad boream geminas ingens Draco diuidit Arctos.

Hinc subit Arctophylax pariterq; Corona, Lyraq;

Proximus Engonasis: post hūc ophiuchus et Anguis.

Mox Aquila & Telum surgunt, & lactea Cygni,

Sidéra, Pegasus hinc sequitur Delphina, simulq;

Andromede,

# PRIMVS.

Andromede, Cepheusq; & Cassiopea parentes,  
 Armatusq; gener Perseus: circum ora Medusæ  
 Horrida, Deltoton simul Heniochusq; feruntur,  
 Hinc aries, taurus, gemini, cancer, leo, uirgo,  
 Libraq; scorpius, arcitenens, caper, hydria, pisces.  
 Cetus & Eridanus post hæc uertuntur ad austrum,  
 Orionq; premens Leporem. Procyonq; refulgens,  
 Inde Canis maior stellataq; cernitur Argo,  
 Perq; trium loca signorum se porrigit Hydra,  
 Craterem dorso gestans, Coruumq; loquacem.  
 Hic Fera Centauro resupina tenetur, at ultra  
 Thuribulum, notie Piscis fugit astra Coronæ.

Sunt etiam propria dictorum sidera partes  
 Pleiades in dorso tauri sex esse feruntur,  
 Fronte sedent Hyades, fundendis imbris aptæ.  
 Inde Propus pedibus geminorum præuia, sed quæ  
 In cancro nubem referunt, Præsepe uocantur,  
 Moxq; duo circum Præsepe feruntur Aselli.  
 Regia stella nitet generosi in corde leonis,  
 Virginis in summa gestatur Spica sinistra,  
 Sed Protrygeta subit prope dextram uirginis alam,  
 Quattuor in dextra quæ conspiciuntur aquari,  
 Vrnæ: at quæ pisces connectunt, Vincula dicunt.  
 Nodus inest Vinclo: pedibus subiecta Bootæ



# LIBER 11

Arcturi stella insequitur Plaustrumq; Bouesq;  
 Postremas Helices stellas: humeroq; sinistro  
 Heniochi residet sidus pluuiæ Capellæ,  
 Inq; manu læua geminus discernitur Hædus.  
 Ast argo in summa micat inclyta stella Canopi.  
 Sirius inde Canis fixus maioris in ore.

Hinc tibi per medium septem decliue feruntur,  
 Saturnus, Sol, Luna, Venus, Mars, Iupiter, Hermes  
 Fixa quidem toto circumuoluuntur olympo  
 Sidera, sed proprios retinent errantia motus:  
 Semper enim currunt fixis contraria stellis,  
 Atq; domos habitant bisseña per astra, suasq;  
 Exercent illic proprio quisq; ordine uires.  
 Luna tenet cancerum, geminos cum uirginis astro  
 Mercurius, tauro & chelis Venus ipsa quiescit.  
 Feruidus inde leo Soli, sed scorpius ardens  
 Atq; aries Marti cedunt: hinc piscis uterq;  
 Centaurusq; Iouem, Saturnum fusor aquarum  
 Rectorem agnoscit, simul ægocerotis & astrum.

At planetarum in rapidis distantia signis,  
 Dicitur aspectus, quo se impediuntq; iuuantq;.  
 Cum duo planetæ alterutris distare uidentur  
 Sextam signiferi partem, uel per duo signa,  
 Aspectus fertur sexangulus: at tria quartam

Zodiaci



# PRIMVS.

Zodiaci partem cum stant per signa planeta,  
 Conspicitur facies quadrangula: tertia sed pars  
 Signiferi, reddit per quattuor astra trigonum.  
 Deniq; per mediam contraria sidera partem  
 Eminus aspectum soliti firmare planeta:  
 Ac certis spacijs concurrere rursus eodem  
 In signo, quoties superi obscurantur ab imis.  
 Sunt etiam aduersa gemini se parte secantes  
 Orbes, quos faciunt Solis lunæq; meatus:  
 Sectio qua Phoebe gelidas ascendit ad arctos,  
 Hæc eadem caput est: sed ex altera cauda draconis;  
 Quæ luna imbriferum cursu descendit ad austrum.

Accipe quo spacio perlustrent signa planeta:  
 Saturnus cursum duodena per astra rotatum  
 Motu retrogrado terdenis conficit annis.  
 Bissenisq; Iouis bisseña perambulat astra  
 Sidus: at ipse duos graditur Mars amplius annos.  
 Sol in se sua per uestigia colligit annum.  
 Signa Venus, dubiusq; anno minus amplius Hermes,  
 Sed bis quindenis percurrit Luna diebus.

Hinc ortum triplicem nobis posuere priores,  
 Quo stellæ ascendunt, obituq; sub æquora pergunt.  
 Cosmicus exorto stellas cum sole reducit,  
 Cum simul aduersæ tingunt se Tethyos undis.

# LIBER

Occiduo Chronicus surgentes cernit horizon  
Sole, & in opposita stellæ regione cadentes.  
Quin ubi Phœbus equis summo procul axe recessit,  
Incipiunt stellæ sensim apparere minores.  
Mox cum sol propior flâmis opera omnia lustrat,  
Astra polo fugiunt, quorum simul agmina cogit  
Lucifer, & coeli statione nouissimus exit.

Vt stellæ in longum primo distare uidentur  
Arietis à puncto, sic has ecliptica monstrat  
Linea signiferi in latum cecisse. Per axem  
Et fortunatas quæ transit linea terras,  
Inde quidem trahitur distantia longa locorum.  
Sed spacium latum est, quod ab æquatore recedit,  
Atq; poli gradibus respondet ubiq; leuati.  
Declinat sidus, cum distat ab æquidiali.  
Eleuat, ex imo quod in altum mittit horizon.

Messembrinorum quiuis semisse recepto,  
Quindenique gradus, respondent protinus horæ  
Vnius spacio: sex & triginta feruntur:  
Quisq; gradus denos retinet: quantoq; recedit  
Longius à medio noctes æquante diesq;  
Orbe, magis coiens geminum decrescit ad axem,  
Æstiuosq; dies numerosis explicat horis.  
At gradus in longum, sub cyclo scilicet æquo:

PRIMVS.

In latum, stadijs respondet ubiq; locorum  
 Quingentis, quorū spacia hæc tibi carmina signant,  
 (Quattuor ex granis digitus formabitur unus.  
 Est quater in palmo digitus, quater in pede palmus:  
 Quinq; pedes passum faciunt, passus quoq; centum  
 Quinq; & uiceni stadium dant: sed miliare  
 Octo dabunt stadia, & duplatum dat tibi leucam.)  
 Milleq; bis decies passus nunc iura diurnum  
 Constituere uie spacium: miliaria forte  
 Quattuor, exiguoue minus nostratia reddunt.

Inferior mundus tellure & aqua, aëre & igne,  
 Dicitur ex primis rerum consistere causis:  
 Ex quibus assiduis uicibus modo cuncta creantur,  
 In quæ iterum, quicquid natum est, natura resoluit.  
 Aëris æthereo uis est stabilita sub igne,  
 Quæ sibi dissimilis triplici regione notatur,  
 Summa calet, media est gelidissima, proxima utrunq;  
 Aestatem ac frigus diuerso tempore sentit.  
 Quippe uapor duplex ascendit in aëra, primus  
 Crassus & humidior propria grauitate tenetur:  
 Aridus atq; calens sine pondere profilit alter.  
 Ex humente quidem concreescere sæpe feruntur  
 Hybernæq; niues, matutinæq; pruinae,  
 Largior & crassius descendens nubibus imber,

# LIBER

Roresq; nebulaeq; et mista grandine nimbi.  
 E sicco alterna generantur sorte uapore,  
 Fulgura cum tonitru, rapidi cum fulmine uenti.

Nomina uentorum posthac patriamq; docebo:  
 Quattuor oppositis ueniunt è partibus orbis,  
 Quos circum uarij dextra laeuq; feruntur,  
 Impelluntq; leues aduersis flatibus auras.  
 Frigidus à summo descendit Aparctias axe,  
 Circius ad zephyrum, Boreas hunc cingit ad ortum.  
 Auster ab aduerso pluuias inducit olympo,  
 Ab Lybe qui dictum, dictum quoq; spectat ab Euro.  
 Insuper et uerno flat Subsolanus ab ortu,  
 Solstitium huic sociat retrahentem nubila uentum,  
 Brumalesq; tropæ uiolentum flatibus Eurum.  
 Occiduo Zephyrus de cardine spirat, at ipsum  
 Africus hyberno contingit sole cadente,  
 Ac simul Argestes æstiuo solstitiali.

Tempus et ad solidam propius descendere terram,  
 Quæ centro in medio penitus firmata quiescit.  
 At circum roseis sol uestus ubiq; quadrigis,  
 Exortu lucem, discessu procreat umbram.  
 Eclipsimq; facit, si quando corpora lunæ  
 Obiectu terræ radijs intacta relinquit.  
 Oppositisq; leuem pingit sub nubibus Irim.

Nec

# PRIMVS.

Nec dum etiam solitas diuersis mensibus anni  
Continuare uices, uariasq; nouare locorum  
Perpetuo cessat motus discrimine formas.

Longa parallelis est subdita terra duobus,  
Vnde dies mediam ab reliqua distinguitur horam:  
Clima; in oppositis memoratur partibus orbis.  
Atq; hinc per Meroen, per niloticamq; Syenen,  
Et per Alexandri, rhodij quoq; Apollinis urbes,  
Perq; Hellepontum atq; Borysthenis ostia currunt.  
Riphaeasq; arces, quibus additur ultima Thule.  
Inde per antithesim contraria climata longas  
Imparibus spacijs uariant noctesq; diesq;.  
Quinetiam tellus uaria ratione uocatur,  
Insula, continuum simul & peninsula, & isthmus.  
Acquoreos itidem fluctus, quibus abditus orbis,  
Oceanum appellant, pelagusq; sinumq; fretumq;.

# RVDIMENTORVM COS-

mographicorum Liber II.

**N**Vnc quoque terrarum triplices percurrere partes,

Europæ, pariterq; Asiæ, Libyæq; calentis  
 Aggrediar, priscis miscens noua nomina regnis.  
 Nanq; uelut rerum cursus sub sole per orbem  
 Incertis uicibus nunc huc, nunc fluctuat illuc,  
 Nec retinere ualet stabilem per secula sortem.  
 Sic olim indigenis bello, fame, peste fugatis,  
 Nomina sæpe nouis sunt commutata colonis.  
 Finibus Europæ clauduntur iberica regna,  
 Quæ prima oceanum spectant, solemq; cadentem.  
 Hinc sursum uersus borealia littora Galli,  
 Germaniq; tenent, et gentes Sauromatarum,  
 Quæ Scythiam partim contingunt solis ab ortu:  
 At Scythiam Thraces opibus belloq; superbi,  
 Et Macedum quondam clarissima regna sequuntur,  
 Græcia dehinc notium longe procurrit ad axem,  
 Cui Peloponnesus bimari coniungitur isthmo.  
 Hinc procul ionios exceptans margine fluctus  
 Adrias, illyricis Italos seiungit ab aruis,  
 Europæ medium Dacorum regna tenent: mox

Pannoniæ

## S E C V N D V S.

**Pannoniæ tellus vicinis iuncta Polonis,  
Vndiq; terrificis premitur nimis obuia bellis.**

Principioq; triplex Hispania continet urbes,  
Batica quas posuit, quæ nunc Granata uocatur:  
Quasq; Tagus spectat per Lusitanica regna,  
Quæ modo Castiliæ mutato nomine tellus,  
Galliciæ simul & Portugallensis habetur.  
Et quas præcipiti cursu pertransit Iberus,  
Qui per Nauarram tarracconensia rura  
Obliquus fugiens, pelagi coniungitur undis.  
Corduba principio præpollet, & Ispalis urbes,  
Priscaq; Tartessus, Paxiulia, Compostella,  
Hinc & Vlyssippo simul & Salmantica, moxq;  
Illipule magnæ & geminæ Carthaginis arces,  
Toletum, infelixq; olim Numantia, Burgis,  
Mœniâq; Emerita, & Gallis uicina Gerunda:  
Tum Pompeiopolisq; Augusta; cæsaris, atq;  
Tarraco quæ nomen citimo dedit incluta regno.  
His iungas ueterem cum Barchinone Saguntum,  
Dertosamq; urbemq; Valentis nomine dictam,  
Ac plures alias, ubi non obscura feruntur  
Flumina, & hesperio recludunt ostia ponto,  
Bætis, Anas, Doriaq; simul Minijq; fluenta,  
Et Tagus auriferis passim fœcundus arenis.



# LIBER

Hic Sacrum, Nerium, promontoriumq; Triluce  
 Oceano incumbunt: pelago Scombraria, Calpe,  
 Que sociam spectat trans æquora stricta columbian.

Gallica Pyrene sublimi uertice regna  
 Hispaniæ terris discernit solis ab ortu,  
 Quattuor in partes diuisa: Aquitania prima est,  
 Celtica quam sequitur: sed Belgica Narbonensem  
 Desuper arctois submotam spectat ab oris.  
 Has nunc alternis uicibus tenuere minores,  
 Gasconij Turonensesq; nouiq; Britanni,  
 Normandi, Franci, Burbonenses & Auerni,  
 Picardi Flandriq; Hanones ditesq; Brabanti,  
 Campaniq; & quos Burgundia prisca Sabaudis,  
 Ac Delphinatus pariterq; Prouincia iungunt.  
 Vcrum Aquitanorum celebres memorabimus urbes:  
 Primaq; Burdegala est, post hanc Genebumq; tenetur,  
 Et Turonensis tellus, & Auaricon, Andes.  
 Luteciam inde colunt, & lugdunensia Celta  
 Mœnia, sed cessit Rotomagus in ordine Belgis,  
 Et Gandauorum populi, ciuesq; Louani.  
 Tullion hinc Lotharingorum atq; metensia rura  
 Intermixta manent germanis undiq; terris.  
 Cis Rhodanũ Auenion iacet, Allobrogumq; Vienna:  
 Mox Arclas Genæq; lacus, Visontion, atq;  
 Massylia

## S E C V N D V S.

*Massylia externis quondam constructa colonis.  
 Vltior Narbo, Mons pessulus atq; Tolosa.  
 Sequana post Mosam, Ligeris, fluuiusq; Garumna,  
 Oceani repetunt diuersa per ostia fluctus.  
 In medium pelagus concordi fluminis alueo  
 Ipse Araris Rhodanusq; Isara atq; Druentia currūt.*

*Germanas etiam terras prope flumina Rheni,  
 Atq; alias alio iungam sub sole iacentes.  
 Occiduas partes gens martia Germanorum  
 Heluetij, simul & Vasti colit incola regni:  
 Moxq; Sicambrorum populi, cultiq; Bataui.  
 Cimbrica cum Frisij Septem subiecta trioni  
 Chersonesus habet pomeranos proxima saltus.  
 Slesia sed roseos solis consurgit ad ortus.  
 Inde Morauorum transgressus rura ridebis  
 Austriacos colles & campos uiti bus aptos.  
 At Styria scopuli, rarisq; Carinthia campis  
 Australes, tangunt aethersina cacumina: moxq;  
 Heluetiae summis æquandæ nubibus alpes  
 Quattuor in partes aliò currentia fundunt  
 Flumina, Danubiū, Rhenum, Rhodanumq; Padumq;.  
 Interiora tenent diuersis Teutones arua  
 Nominibus, iuxta Herciniam cultissima syluam  
 Rhoetia Vindelicos uirtembergensibus agris*

# LIBER

Diuidit: Alsaciam post hos Franconia iungit  
Hessorum populis: quin & Turingia Misne  
Saxonas ac Marchos sociat, sed Norica tangit  
Oppida, continuus munita Boemia syluis.

Trans Rhenū celebris Constantia prima tenetur,  
Mox Basilea, simulq; argentinenſia rura.  
Treueris inde uetus maguntinensibus aruis  
Iungit Aquisgranum agrippinensesq; colonos.  
Geldria, Traiectum pariterq; Antuerpia magno  
Vicina oceano, cis Rhenum plurima passim  
Oppida respiciunt Frysiorum ac Vestfala rura.  
Lipsia Brunſuigam gelidas hinc spectat ad arctos,  
Caſſiliam ad zephyrum, diſiunctos rursus ad amnes  
Hinc atq; hinc geminam Francfurti diſpicit urbem.  
Aſt Erfordensi succedit proxima tractu  
Herbipolis, simul & uicinior Vlma Tubinga.  
Norica metropolis post has, & Praga sequuntur,  
Breslaq; Lubecumq; ac Vittenberga: sed ultra  
Danubium, tepidoq; habitata propinquius austro,  
Grecia, Villacumq;, Oeniq; cacumina pontis.  
Hisq; Salisburgam ſocias, pulchramq; Viennam,  
Cumq; Ratiſſona Monachum: dehinc Vindelicorum  
Auguſtam placet, & patauinās addere ripas.  
His quoq; largiſſui fontes miſcentur & amnes:

Ad

## S E C V N D V S.

Ad boream currunt Amasus, Visurgis & Albis,  
 Rhenus, & hinc Odera, ac popularis utriq; Suevus.  
 Danubius reliquos secum deducit ad ortum.

At nunc sarmaticos campos Scythiamq; niualem  
 Cis Tanaim fluvium & Mæotidis ampla paludis  
 Acquora, sub stellis geminæ lustrabimus Vrse.  
 Hanc terram primum ueteres coluere Agathyrsi,  
 Et cum Thyssagetis Nomades, rigidiq; Georgi,  
 Quin & Hamaxobij plaustris sine sede uagantes,  
 Basternæq; Getæq; sagittiferiq; Geloni.  
 Insuper Euxino propior gens Taurica ponto,  
 Taurica supra alias quondam sæuissima gentes:  
 Sed cultus terræ postremis mitior annis  
 Contigit. Hesperia partem, zephyrisq; propinquam  
 Nunc propria duplices retinent dititione Poloni,  
 Et quæ sarmatico coniuncta est Prussia ponto.  
 At Massouitas simul & Samogitia rura,  
 Ad boream accliu sequitur Liuania tractu.  
 Nec procul hippophagis affinis Russia Moschis,  
 Iunctaq; lithuanos tangit Podolia saltus.  
 Est etiam extremo quædam sub cardine tellus,  
 Ac Noriuegorum glaciali proxima ponto  
 Littora, & indomitæ contermina Suetia Gottis,  
 Scanorumq; rigens arctoo frigore tractus.

## LIBER

Sed tamen & cœlo propiora fruuntur iniquo  
 Oppida, riphæis nimis infestata pruinis.  
 Atq; ideo raræ indigenis cultoribus urbes,  
 Quas inter celebris Posnania prima plocenses  
 Dantiscosq; pari discernit limite campos.  
 Inde toronensi Mons regius additur urbi,  
 Moxq; propinqua Rigæ mariæburgensibus agris  
 Littora, sarmaticiq; caput Cracouia regni:  
 Quin & lublinæ sociata Premislia terræ,  
 Vilna quoq; & propior Leoburga tepētibus austris.  
 Istula præterea, liquidiq; Borysthenis unda,  
 Plurq; per Scythicas currum sine nomine terras  
 Flumina, stagnantesq; augent remorata paludes.

Sed iam tempus erit propiores uisere partes,  
 Pannoniam Illyriamq; simul, Thracenq; cruenti  
 Mauortis patriam, nimium nimiumq; propinquos  
 Dalmatiæ fines, uastatamq; undiq; Bosnam.  
 Mysorum inde solum, Dacorumq; oppida: quæ nunc  
 Moldauiq; tenent, transalpinq; Valachi.  
 Et quæ carpathio septem circundedit arces  
 Vertice, bulgaricis modò Transyluania terris  
 Haud multum disclusa. Sed enumerabimus urbes:  
 Regia budensis prima est, mox Agria, post quam  
 Cremniciæ montes, posonensiaq; arua sequuntur,

Et

## S E C V N D V S.

Et cum strigonicis Cassouia prisca colonis.  
 His quoq; Bellogradum, & regalem iungimus Albā,  
 Emporiumq; simul Varadini, atq; alta Cibini  
 Moenia, præcipitiq; sitam sub monte Coronam,  
 Quam primam Europæ Christi documenta sequentē  
 Sol oriens radijs lustrat propioribus urbem.  
 Mox Adrianopolis Sophiæ uicinior aruis,  
 Nicopolisq; triplex iacet, & Selymbria, Varna:  
 Inde Liburnorum Scardona, simulq; Ragusi,  
 Quæq; tenent Ponti bizantia littora fauces.  
 Quid memorem Anchialonq; Heracleãq; Perinthũq;,  
 Abderamq; Maroneamq; & Olynthon & Aenon,  
 Callipolimq; & quæ sociant freta Seston Abydo,  
 Atq; alias, quarum iam nil nisi nomina restant?  
 Imò etiam patrijs nunc uix hærenus in oris.  
 Non tamen antiqui defunt regionibus annes.  
 Danubius secum defert Oenumq; Lycumq;,  
 Germanos fluuios: sed aquæ septemplexis Istri  
 Nomine mutato decliuius undiq; ripis  
 Præcipitem Drauum ac Sauum, placidumq; Tibiscũ,  
 Et patrium simul in Pontum comitantur Alutham.  
 Strymonis Aegæo, Nessiq; Hebriq; fluenta  
 Miscentur pelago. Montes quoq; partibus illis,  
 Ismarus & Rhodope, coniunctusq; Orbelus Hæmo,

# LIBER

Et qui dalmaticis late discernit ab oris  
Rascentes populos sinuoso uertice Scardus.

Vltior Maccdum tellus, quondā inclyta regna,  
Continet Albanos, mox Pæonas atq; Pelasgos,  
Emathie campos quoq; Mygdoniæq; recessus.  
Has prope thessalicis Magnesia iungitur agris.  
Doris item spectat locrensia rura, sed ultra  
Proximat Aonijs phocensis & attica tellus.  
Trans Isthmum Aetholi simul & uicinus Acarnan,  
Epirusq; iacet, uarijs distincta colonis.  
Atq; hæc prisca quidem, nunc Turcia tota uocatur,  
Helladis at uix dum uestigia parua supersunt.  
Quin igitur ueteres potius celebrabimus urbes:  
Primaq; Dyrrachiū est, urbisq; ab Apolline dictæ  
Mœnia, Pieriæq; domus gratissima musis.  
Hinc Hypatæ Phthiæq; & larissæ sequuntur  
Oppida, mox & Opus, & Pella insignis alumnis,  
Et quæ prima fidem nostrum diffudit in orbem,  
Amphipolisq; simul, necnon Berrœa Philippiq;  
Et Thebæ Baccho celebres, & Apolline Delphi.  
Aulidis hinc portus, Megara & cerealis Elcufis,  
Tum proprium diuæ cognomen & urbis Athenæ.  
His quoq; Naupactum, Anticyrā & calydonia rura,  
Leucadiq; Ambraciamq; simul, glandisq; feracem  
Dodonam,



S E C V N D V S.

Dodonam, & celsam Buthroti iungimus urbem.  
 Per macedum fines pelagi petit Axius undas:  
 Nec procul et Chabrius rapidiq; haliacmonis amnis,  
 Peneusq; fluens medius per thessala Tempe:  
 Sperchij Ismeni q; uadum, Cephissus, & accr  
 Illissus, crebrasq; urgens Achelous arenas.  
 Quinetiam uarij celebrantur in Hellade montes:  
 Pelius, Othrys, Athos, & fato nobilis Oeta  
 Herculis, & bijugo Parnassi uertice colles:  
 Virgineusq; Helicon, natusq; ad sacra Cithæron,  
 Ossa q; cum Pindo, maiorq; ambobus Olympus.  
 Hinc spectant Adriæ prærupta Ceraunia fluctus,  
 Sunion Aegæum. Sed uastis carmine terras  
 Helladis emensi, bimarem transibimus isthmum.  
 Ac simul argolicas & achæidas atq; Laconum,  
 Et Peloponnesi reliquas per littora gentes,  
 Urbibus ex proprijs dictas lustremus, & intus  
 Arcadas antiquos: quibus adjiciuntur & urbes,  
 Argosq; Sparte q;, agamemnonicq; Mycenæ:  
 Mox Epidaurus adest, & nobilis ære Corinthus,  
 Olenus & Sicyon, Patra q; humilesq; Cleonæ,  
 Gythion ac Trœzen, Messene, notaq; Lerne.  
 Inde Methona, Pylus. Pisarum atq; Elidis urbes,  
 Mantinea, Tegea, Megalipoleosq; coloni.

# LIBER

Inachus argolicos campos, Asopus achiuos,  
 Eurotas cultus Lacedæmonis irrigat agros:  
 Nec procul Alpheus lapsus subter mare, qui post  
 Ore Arethusa tuo siculis confunditur undis.  
 Arcadiam illustres incingunt undiq; montes,  
 Menala, Taygetus, Pholoë ac stymphalides umbræ,  
 Et cum Cylleno gelidi pineta Lycei.  
 In mare Spiræum tendit, Malcæq; furentis  
 Aestus, & Acritas ac Tenarus ostia Ditis.

Hesperios procul hinc tractus, atq; itala regna  
 Incingit mare quod suprâ, quodq; alluit infrâ:  
 Sed mediam duplices secat Appenninus utrinq;  
 Ausoniam in partes. Adriam littusq; sinistrum  
 Cum Carnis Venetiq; colunt, Galli; togati,  
 Umbri Picentesq; uiri, præsci; Sabini,  
 Pelignosq; sequens Frentanus & Appulus agros.  
 Hic salentini calabriq; per oppida campi,  
 Magnaq; in ausonijs habitatur Græcia terris.  
 Brucia Lucanos tyrreno littore primos,  
 Et Campanorum latos circum æquora colles,  
 Volscorumq; domos spectat, ueteresq; Latinos,  
 Hinc Ligurum populos, Hetruscorumq; penates,  
 Insubriumq; agros, spaciosasq; insuper urbes:  
 Quæq; tenent Veneti munita palatia ciues,

Et

## S E C V N D V S.

Et Mutinæ Patauîq; arces, ditisq; Rauennæ:  
 Histrorum inde iacent Tergeste, Aquileia tractu:  
 Vltrâ Ancona mari spectata, Bononia campis,  
 Mox & Ariminon & Ferraria, Nursia, Sulmo,  
 Sipuntum atq; amiterna domus, uenusinaq; rura,  
 Brundusiũ Hidruntumq; propinquaq; tecta Crotonis.  
 Inde tarentinæ Metapontum iungimus urbi,  
 Rhegion ac Locros, biferiq; rosaria Pæsti,  
 Sirenum scopulos, promontoriumq; Mineruæ,  
 Surrentum, Capuam atq; altum Præneste, Salernum,  
 Parthenopesq; arcem, & cumææ templa Sibyllæ,  
 Nuceriæ & Nolæ beneuentanosq; colonos,  
 Antiphataq; domum, & circeæ littora terræ.  
 Mox Caieta iacet, Sinuessaq; Tybur, Aquinum,  
 Ardeaq; & rerum quondam pulcherrima Roma,  
 Roma caput mundi: perusinaq; rura sequuntur,  
 Et florentinis immixtus mœnibus Arnus.  
 Nec Mediulani pulchram reticebimus arcem,  
 Dertonam Ticinumq; simul, Genuamq; superbam,  
 Tridentum Pisamq; urbem, ueteremq; Cremonam,  
 Mantua quam sequitur, Verona, Placentia, Parma,  
 Atq; aliæ plures, quas præterlabitur annis  
 Eridanus, post hunc Rubicon præcepsq; Timauus:  
 Hinc Tifernus, & hirpinis è montibus ortus

## LIBER

Aufidus: ac tuscum qui deuoluuntur in æquor,  
 Vulturnusq; celer, Silari Sarniq; fluenta,  
 Cuiq; fuit rerum concessa potentia, Tiberis.  
 Sed quis finis crit, si prosequar omnia uerbis  
 Oppida, & apricos colles, syluasq; lacusq;  
 Fluminaq; & campos, sinuososq; undiq; portus?  
 Omnia sunt fama totum uulgata per orbem.

## RVDIMENTORVM COSA

### mographicorum Liber III.

**H**Aftenus Europæ lustratis ordine regnis,  
 Et procul hinc uētis immēsa per æquora uecti,  
 Tandem Asiæ magnæ populos uideamus & urbes.  
 Hanc late triplici contingens littore uastus  
 Alluit oceanus. Zephyris obuersa tenetur  
 Inclyta Syrorum tellus, Asiæq; minoris  
 Portio, & antiquo notissima carmine Colchis.  
 Tum uariæ gentes passim deserta Scytharum,  
 Mox etiam tenui felices uellere Seres,  
 Tartariciq; tenent borealia rura coloni.  
 Hinc oriens Scythiam trans celsum spectat Imaum,  
 Regnaq; trans latum quæ restant indica Gangem.  
 Quinetiam interior longe prociurrit ad austrum  
 India, carmanisq; propinqua Gedrosia terris.

Persidis

### T E R T I V S.

*Persidis inde solum sequitur, chaldaeq; regna,  
 Totaq; thuriferis Panchaia pinguis arenis.  
 Multae intus gentes celebres, populiq; potentes  
 Terrarum uarios sparsim tenuere recessus.*

*Sed nos iam Syriae pennis aduersa fauoni  
 Littoraq;, & terram lustremus melle fluentem.  
 Prima Palestinam Sirbonidis alluit unda,  
 Mox & oliuiferis Iudae collibus, illinc  
 Phoenissas pariter gentes, Apamenaq; rura,  
 Verum hinc palmiferam prorsus sociabis Idumen.  
 At Galileorum spaciofo limite fines  
 Latifluus Iordan scindit Trachonitidis aruis.  
 Interiusq; solum bis quinis urbibus aptum,  
 Hinc Coelen syriam, hinc Casiotidis aspicit agros:  
 Insuper & mediam concludunt flumine terram  
 Tigris & Euphrates, qui per babylonica lapsi  
 Moenia, uoluuntur sinuosum in Persidis aequor.  
 Sunt etiam egregiae dictis regionibus urbes,  
 Ascalo & Antipatris, pariterq; azotia rura,  
 Et samaritanis habitata Sebastia colonis.  
 His sacram Solymorum adem, Gazamq; potentem,  
 Caesaream duplicem, & priscam iungemus Ioppen,  
 Cum Sidone Tyrum celebrem, et Ptolemaidis urbem,  
 Beriton ac Tripolin, Myriandron, Laodiceam,*

## LIBER

Tiberij, atq; alias galilæi littoris arces,  
 Et Gadarenorum fines, urbemq; Scytharum.  
 Nec procul Europum claramq; uidebis Edeſſam,  
 Niſibin, & latio maculatas ſanguine Carras.  
 Eſt quoq; diuerſis non una Seleucia terris,  
 Prima tenet littus, medios colit altera campos.  
 Palmyra deinde ſubeſt, Hieræpoleosq; coloni.  
 Antiochea duplex, quarum accolit altera Taurum,  
 Altera per medium labentem cernit Orontem.  
 Chryſoroas pulchro præterfluit amne Damafcum.  
 Iordanisq; ſacer geminis è fontibus ortus,  
 Per lætas ualles & amœnos undiq; ſaltus  
 Tandem Aſphaltitæ diris immergitur undis.  
 Hoc tractu quondam Deus impietate ſuperbas  
 Sulphureis flammis Sodomorum perdidit urbes.  
 Et Iericunta quidem ſimilis uindicta ſecuta eſt:  
 Totaq; nunc regio priſcis uiduata colonis,  
 Obruta deſertis uestigia quærit in agris,  
 At nunc præcipuos uideamus in ordine montes,  
 Fœcundum cedris Libanum, celebrataq; ſama  
 Carmeli iuga: mox è quo Deus ipſe tremendo  
 Fulgure cum tonitru lapſum perterruit orbem.  
 Inde duplex Caſius geminato uertice ſurgens,  
 Hinc peluſiæ, inde Seleuci iungitur urbi.

Verum

# TER TIVS.

Verum age nunc tandē portas superemus Amani,  
 Ac primos Cilicum populos, Asiæq; minoris  
 Littora, & internos peragremus ubiq; recessus:  
 Pamphyliam & lycias urbes, lyciæq; propinquos  
 Caras, & ægæi confines æquoris agros:  
 Ioniæ clarasq; domos, lydosq; penates,  
 Aeolidosq; & Mysorum quondam inclyta rura.  
 Hinc rhetœa iacent Phrygiæ clarissima bello  
 Littora, principiumq; Propontidis Hellepontus:  
 Mox Bithinorum fines, quâ strictior alter  
 Bosphorus euxinum pontum concludit: at ultra  
 Paphlagonum tellus coniuncta est Leucosyrorum,  
 Cappadocum & Chalybū ferri prægnantibus agris.  
 Inde Lycaoniæ Pisidarumq; arua, simulq;  
 Mæones & Galatæ medios tenuere recessus.  
 Verum ea barbarie nunc tam confusa premuntur,  
 Vt neq; sint noti fines, neq; mœnia terris:  
 Atq; ideo ueteres urbes, & prisca locorum  
 Nomina, & insignem quondam celebrabimus Iffum,  
 Mox intus Cydni diuisam flumine Tharsum,  
 Et crassam Soloen Pompei nomine dictam,  
 Coryciamq; urbem pariter portumq; specumq;.  
 Nec procul Aspendus ripas tenet Eurymedontis.  
 Hic etiam attalicis colitur uicina colonis



# LIBER

Cynthia pergensis simul & patareus Apollo.  
 Inde Cragiq; iugum, nocturnoq; igne Chimæram  
 Terribilem, & Xanthi flauas linquamus arenas:  
 Piscosamq; Gnidon potius, claramq; sepulchro,  
 Urbem Halicarnassum, & Mausoli nomine regis,  
 Aegæiq; alias memoremus littoris urbes:  
 Ionicæq; caput gentis, celebremq; uirorum  
 Milcton patriam, & Mycales sub rupe Prienen,  
 Cum Colophone Ephesum Latoidos æde superbam.  
 Hinc Sardi coniuncta tenent uineta Timoli,  
 Clazomene littus, sinuosos Smyrna recessus.  
 Interius Thrallis, Philadelphia, Laodicea,  
 Pergamus ac Thyatira: sed & clarissima rerum  
 Troia sub idæis radicibus, unde Scamandri  
 Et Simoeitis aquæ uoluuntur in Hellespontum.  
 Antandrus posthac subit, inq; Propontidis oris  
 Cyzicus, extremoq; iacens Nicomedia Ponto.  
 Hanc supra ad boream sunt & chalcedones agri,  
 Atq; heraclei fines, ubi dicitur olim  
 Cerberon Alcides ferro durisq; cathenis  
 Ex Acheronte imo superas traxisse sub auras.  
 Nicæam Ascanius, sed Prusam illustrat Olymps.  
 Inde cythoriaco cum monte uidebis Amastrin,  
 Et teuthranteos fines, notamq; Caranbin:

Moxq;

# TERTIVS.

Moxq; Sinopenſes medijs ſpectantur Amiſſi  
 Partibus, irriguiſq; aſſueta Themifcyra campis,  
 Hic & Amazonidum prope flumina. Thermodoontis  
 Caſtra fuiſſe ferunt: extrema in littora Ponti  
 Vertice montano Trapeſus incluſa receſſit.  
 Interiore Sebaſtopoliſq; & Amaſia tractu,  
 Ancyra & Iconium, Derbe, cumq; urbibus amplis  
 Antiochenorum, uix nota parte coluntur.  
 Hic tamen Aegeo curuiſ illabitur undis  
 Maeander, ſimul & cantu celebrata Cayſtri  
 Flumina, Pactolo coniungitur aurifer Hermus:  
 Vorticibusq; altis remorata fluenta Caici,  
 Atq; alij ſubeunt non parui nominis amnes.  
 Parthenius poſthac, & Haly uicinior Iris,  
 Sangariusq; petunt Euxini littora ponti.

His tamen omiſſis pariles uideamus ad ortum  
 Armeniae tractus, praefecturasq; potentes,  
 Et Paryedri altos apices, montesq; Ceraunos:  
 Ulteriusq; auro celebratam & uellere Colchin.  
 Aſt Albanorum medios includit Iberos  
 Planicies, ſinem Cyro quae ducit ab amue,  
 Et premit eas hircano littore partes.  
 Samofata Euphratis ripas, melitenaq; rura,  
 Tigranocerta tenet colles, Artaxata campos.

# LIBER

*Caspia quæ præceps ad littora fertur Araxes.  
 Inde Dioscorias in finibus Henuochorum,  
 Mercibus externis & uocum mille figuris  
 Incluta, latifluas despectat Phasidis undas.  
 Nec procul Hermonassa uetus, uinclisq; Promethei  
 Caucasus, ac niuibis syluisq; grauatus opacis.  
 Essedones Colchis accedunt, moxq; Coraxi,  
 Cimmeriæq; graui pressæ caligine terræ.  
 Inde Melanchlænis Mæotidos accola Sindon  
 Iungit Iaxamatas scythici prope fluminis oram.  
 Quin & Hyperboreos montes, Scythiæq; niualis  
 Interiora tenent uariæ sine limite gentes.  
 Prima Arimaſporum Gryphis inimica propago,  
 Finitimi quoq; amazonicæ telluris Alani:  
 Adde & Arempheos Iaxartarumq; recessus,  
 Hippophagos anthropohagosq; galactophagosq;  
 Quiq; intus folijs depectunt uellera Seres.  
 Multaq; præterea scythicæ cognomina gentis,  
 Quas procul à Tanai boreali parte iacentes,  
 Immensus median percurrentis asida terram  
 Taurus ad extremum discludere dicitur ortum:  
 Taurus, qui dites populos terrasq; potentes  
 Indorum tepidos late speculatur ad austros.  
 Hic iacet emporijs tellus opulenta marinis,*

*Fertilis*

# S E C V N D V S.

Fertilis omnigenum rerum: semperq; uirenti  
 Fronde nemus bifer: crebros parit arbore fructus,  
 Multaq; uastarum nutrit portenta ferarum.  
 Nullæ illic hyemes, sed sol æstate perenni  
 Vicinis radijs uernantia temperat arua.  
 Atq; ideo multæ gentes & maxima regna,  
 Sinarumq; solum & Chryse peninsula. sed quis  
 Omnia barbarici tractus longeq; remoti  
 Nomina, tam tenui ualeat percurrere uersus?  
 Indica cis rapidum spaciofo flumine Gangem  
 Terra, Palimbotrosq; Chelonophagosq; colonos,  
 Bracmanesq; tenet, mox duos Gymnosophistas,  
 Bucephaleq; urbis fines, Nisanq; superbam,  
 Quam Bacchus quondam primis orientis in oris  
 Condidit: at Macedo non inferiora reliquit  
 Oppida, transgrediens armis uictoricibus indum.  
 Haud procul oceani per littora flexa, Gedrosi,  
 Carmaniq; iacent, & florentissima regna  
 Persidis: ulterius Chaldeorumq; penates,  
 Orchoa Persepolisq; simulq; Hecatompilos urbes,  
 Susarumq; arces, babylonicaq; arua coluntur.  
 Ast in secessu duplici circumdata tellus  
 Aequore, petraeos montes, desertaq; passim  
 lugera, felicesq; Arabum distinguere campos

# LIBER

Dicitur; hæc Nabatæorum procul intus ad ortus,  
 Panchæumq; solum, Pygmæorumq; phalanges  
 Terribiles gruibus spectat, pinguesq; Sabæos.  
 Hæc thuris lacrymas & odores pascit anomî,  
 Cynnamaq; costumq; simul casiaq; saporem,  
 Et nardi fruticem, ac stillantem cortice myrram.  
 Nunc Sarraceni redolentibus undiq; campis  
 Rura tenent, Mechamq; superstitione potentem,  
 Atq; alias celebres dictis in partibus urbes.  
 Sed nos hircani repetemus littoris oram,  
 Assyrios, Mædos, Hircanorumq; colonos,  
 Cyropolinq; arcem, Niniq; ad Tigridis undas  
 Mœnia, & Ecbatanis iunctam Ctesiphonta uetustis.  
 Arsaciaq; urbis tractum, longeq; remotos  
 Bactrorum populos, Paropanisadumq; recessus.  
 His Arianorum gentes, Parthosq; fugaces,  
 Sacharumq; domos, arachosiaq; insuper arua:  
 Multaq; si libeat, latie non cognita linguae  
 Oppida, iam dictis poteris coniungere terris.

Africa nunc sequitur seruire notabilis ipso,  
 Vasta, minusq; frequens, tantum fecunda ferarum.  
 Interius quâ sol medius nullas iacit umbras,  
 Vruntur flammis, siccisq; teguntur arenis  
 Deserti tetro serpentum afflamine campi:

Quodq;

# T E R T I V S.

Quodq; die, solis uiolento incanduit aestu,  
 Humida nox reficit, paribusq; refrigerat horis.  
 Sed notam libyci peragranes littoris oram,  
 Solis ab occasu, solis uideamus ad ortum:  
 Anteq; domum Tingin, constructaq; Mauris  
 Oppida, tum stellas humeris Atlanta ferentem:  
 Vnde Molucha fluit, Maluæq; propinquior unda,  
 Hic simul Icosium Cartennæq; arua coluntur,  
 Pluresq; indigenis noti cognominis urbes.  
 At numidas fines præterfluit Amfaga: post quem  
 Hipponis geminæ Colopisq; uidebis utrinq;  
 Moenia, Rusicadæq; solum, sedemq; Siphacis  
 Longius à pelago Cyrtam, & quos Tabraca campos  
 Incolit: hinc Uticam & magnæ Carthaginis urbem  
 Bragada limitibus nimium discernit iniquis.  
 Mox geminæ Leptis tractus, Syrtiq; propinqua  
 Clupea cum Taphris, ubi fundit in æquora Triton  
 Collectas fluuio ternisq; paludibus undas.  
 Hic circum gentes Nasamonum, punica late  
 Terra patet: mirumq; nimis quod inhospita Syrtis  
 Littora Lotophagum diris incingit arenis.  
 Proximus hinc sequitur Cinyps, aræq; Philenon.  
 Mox ad deuxum penitus Catabathmon habebis  
 Pentapolis tractum, & claram Ptolemaidis urbem,

Hesperiam, Arsinœnq; simul, mediamq; Cyrenen,  
 Ammonisq; domum, et geminā procul intus Oasim.  
 Marmaridæ posthac pāsīm sine moenibus ullis  
 Vilia dispersi subeunt magalia ciues.  
 Inde Parætonium, marcoticāq; arua sequuntur,  
 Cum campis Aegyptæ tuis, qui littorā rubri  
 Vasta tenent pelagi, longoq; ex ordine tractu  
 Aethiopum terris patrium claudantur ad austrum.  
 Hic perhibent moles per iugera multa iacentes  
 Pyramidum celsas superare cacumine nubes.  
 Hic Psammettichi régis labyrinthius error:  
 Pluraq; non minus his extant memorāda, sed ultro  
 Urbis Alexandri pariter, ueterisq; Canopi,  
 Et pelusiæ gentis prope littora fines,  
 Ac procul à pelago celebres recitabimus urbes:  
 Antiquæ Memphi iunctam Babylona recentem,  
 Bubasti, Taneos, clarāq; Hyperionis arcem,  
 Hermopolinq; Cynonq; polin: mox deinde uidebis  
 Intus ubi Nilus Cancrī secat astra, Syenen,  
 Centifores Thebas, cultāq; Diospolis aulam,  
 Et crocodileis exercita Tentyra monstros,  
 Omnigenūmq; deū dictis procul oppida terris.

Inde sub Aegypto minus hospita solus ob æstum  
 Terra iacet campi longe lateq; patentis;

Monstrorum



# T E R T I V S.

Monstrorum domus, & rapidis loca subdita flammis.  
 Decolor Acthiopum populus per littora sparsim  
 Obtinet ardentes uario cognomine tractus.  
 Trogludytarum cultis hac parte cauernis  
 Lucifero primi Blemye iunguntur ab ortu.  
 Ast Agisimba procul gelidis discedit ab arctis,  
 Atq; umbras rerum uicinos iactat in austros.  
 Hic memorant Nilum Lunæ de montibus ortum,  
 Per uarios riuos uastisq; paludibus auctos,  
 Hinc Elephantinamq; urbem, lateq; patentem  
 In medio Meroën concludere: proxima sed post  
 Aegyptus latis spaciantem flumine campis  
 In pelagus Pharium septena per ostia fundit.  
 Interius deserta tenent nudi Garamantes,  
 Mox Elephantophagiq; Anthropophagiq; feruntur,  
 Et Gamphasantes timidi, Satyriq; petulci.  
 At procul hesperium late per littora tractum  
 Atlantesq; feri, Getulorumq; coloni,  
 Nigritæq; habitant, simul & phaurusia pubes:  
 Insuper & plures alibi: sed promptius altis  
 Nubibus, & nitidis dederim cognomina stellis:  
 Quam totidem populos, linguas, faciesq; locorum,  
 Regnaq; terrarum, cumq; ipsis oppida campis,  
 Apricos montes, & opacas undiq; syluas,

Stagnantesq; lacus, & crebri uorticis amnes,  
 Littoraq; & gratos possim comprehendere portus.  
 Has tamen è multis uariarum nomine rerum  
 Percurri breuiter mixtas regionibus urbes.  
 Quarum pars superest prisco sub nomine, pars est  
 Excidijs deleta: locisq; manentibus iisdem,  
 Per totidem linguas & secula temporis acti  
 Nomina diuersis causis mutata feruntur.

Nunc locus oceani, quæ sunt à Gadibus usq;  
 Auroram, & totum quæ circumplectitur orbem  
 Nereus, æquoreis ambitas dicere terras  
 Fluctibus. extremo terrarum fine coluntur  
 Cassiteri uenæ celebres grauiore metallo.  
 At procul Hybernis succedunt anglica regna,  
 Littoribus Scotiæ coniuncta: sed Anglia primam  
 Londinum, & claras per littora continet urbes.  
 Orcades hinc multæ numerantur, & ultima Thule.  
 Atq; in secessu propior selandia tellus.  
 Vltior scythicus boreali frigore pontus  
 Horret inaccessus glacie densisq; pruinis.  
 Multæ autem terræ solis redeuntis ad ortus  
 Vndiq; laudatis habitantur in æquore campis:  
 Sed uix nomen habent peregrinis uersibus aptum.  
 Taprobaneq; orbis medium sortita recessum,  
 Lucibus

# TERTIVS.

Lucibus æquatis depressos conspicit axes.  
 Hanc circum oceano uariarum altrice ferarum,  
 Quin & erythræo plures memorantur in alto.  
 Gorgonis hinc sedes, & inhospita tecta Medusæ  
 Hesperio tractu surgunt: mox arua beata,  
 Et fortunatæ sparsa sine semine terræ.  
 Est etiam ulterius non uisa prioribus annis  
 Insula, diues opum cultuq; immanis agresti,  
 Quam lucri studium, rerumq; cupido nouarum  
 Prima sub extremo conspexit sole cadente.

Ille tamen ualeant: iam nunc propiora sequuntur,  
 Herculeoq; freto positis utrinq; columnis,  
 Introuissa fluunt per apertas æquora terras,  
 Extantesq; uagis campos miramur in undis.  
 In primis Ophiussa mari consurgit ibero,  
 Cumq; ebusitanis balearica regna colonis,  
 Atq; aliæ plures passim sine honore iacentes.  
 At breuib; spacijs despectat corsica tellus  
 Littora Sardinia: tyrrenum deinde per æquor  
 Pontia cum Prochyta, Caprea, Planasia: moxq;  
 Scylla ferox canibus, simul & Zanclea Charybdis,  
 Ausonia siculeq; tenent confinia terræ.  
 Inde Pithecusæ, Lipara & Vulcania, post quas  
 Strongyle, & innumera penitus uisuntur in alto

# LIBER

Insule: ante alias sed enim præstantior (olim  
 Cyclopium Cererisq; domus) Trinacria montes  
 Finibus extremis diuersa per æquora fundit,  
 Cumq; Peloriade Lilyben, uastumq; Pachinum:  
 Interius celebrem flammis uiuacibus Aethnam,  
 Atq; Erycis templum, & claras amplectitur urbes,  
 Messanam, Catinam simul & megarensia rura,  
 Cumq; Siracusis Drepanum, notamq; Panormum,  
 Tauromenon, camerinã, agrigenta, leontion, hibernam.  
 Sunt etiam adriaco Diomedis nomine dictæ,  
 Et quas ionium late circumfluit æquor,  
 Phæacum sedes Corcyra, & littus Echina.  
 Insula mox Cephalenorũ, & nemorosa Zacynthus,  
 Illustrisq; Ithaca, & Strophades quas dira Celeno,  
 Harpyæq; aliæ quondam tenuisse feruntur.  
 Hinc Thegânusa iacet, Veneriq; dicata Cythera,  
 Insuper & Salamis, propiorq; Aegina: sed intus  
 Myrtoum Sporades fluctu circumsonat æquor,  
 Nisyrõn, Olcaron, Theram, Melonq; rotundam,  
 Syron & Hippurim, Pathmon, uiridemq; Donyssam:  
 Inde Lebynthon & Icariam, sparsasq; per altum  
 Cycladas, albertemq; Paron, planamq; Scriphon,  
 Mox Delon Mycone celsa Gyaroq; reuinctam,  
 Florentemq; Cythnon, Sicinon, sacramq; Lyæo  
 Naxon,

# T E R T I V S.

Naxon, & hinc siphnō, rhenē, mox tenon & andron.  
 Separat aonijs procul hinc Euripus ab oris  
 Euboicas urbes, Chalcin, niueamq; Caryston,  
 Ceneiq; iugum, infidumq; Capharea nautis.  
 Adde tot Aegæo distinctas æquore terras,  
 Sciathon, & nitidis lætam Peparethon oliuis,  
 Tuon Scopelon, Scyrum, & Vulcani moenia Lemnū,  
 Threiciamq; Samū, Tenedon, mox Chion & Imbron,  
 Et mityleneam spacioſo littore Leſbon,  
 Iunonisq; domum, ſed & aſtypaleia rura,  
 Carpathijq; maris Rhodiorum & Apollinis urbes,  
 Lyndon, Iclyſſonq; ſimul, ueteremq; Camyron.  
 Illuſtrant etiam Creten hecatompolin urbes,  
 Lyctus & hinc Gnoſus, Cydon, Gortyna, Lycæſtus,  
 Atq; aliæ, quarum uix nomina nota ſuperſunt:  
 Ida Iouis cunæ, & dictæi culmina montis,  
 Hisq; Samonion adiunges, Criuq; metopon.  
 Iſſicus inde ſinus Cypri complectitur urbes,  
 Cū Salamine Paphū, grauidāq; Amathūta metallis.  
 Sed quid nota ſequor? multæ ſine lege iacentes  
 Inſulæ oceano in magno, medioq; profundo;  
 Partim homini cultæ, partim deſerta ferarum  
 Paſcua, neglectis pelagi clauduntur in oris.  
 Quædam iam celebres, olim ſine nomine terræ,

# LIBER

Multarum nec honor priscus, neq; nomen habetur,  
Sed libet hoc portu fessas subducere naues.

## RVDIMENTORVM COS-

mographicorum Liber IIII.

**P**ostquam præcipuis cæli terræq; marisq;  
Partibus inuecti, uerboq; creata potemi,  
Humanæq; manus monumenta stupemus & artem:  
Nunc propiora sequi, mundumq; uidere minorem,  
Et quicquid propter talem deus ipse creauit,  
Ingeniumq; hominis longo quæ repperit usu  
Dicere pergemus: superent modò nomina rebus.  
Principio terræ dominum, rerumq; potentem,  
Præstantem specie, fortunatumq; superni  
Numinis aspectu, quamuis damnauerit error  
Impius, & diræ subiecit corpora morti:  
Non tamen ingenuæ penitus uestigia formæ,  
Nec data cesserunt diuinæ semina mentis:  
Quæ solus nouit, solus scrutatur ab alto,  
Qui regit affectus uarios, animisq; uigorem  
Suggerit, & corpus magnis uirtutibus implet.  
At nobis breuiter, quæ sensibus undiq; nostris  
Occurrunt notæ referentur carmine partes  
Corporis, & summo quæ sunt à uertice membra.

Sanguis,

# Q V A R T V S.

Sanguis, adeps, cerebrū & pingui cū carne medullæ,  
 Venarūq; uiae graciles, arteria, nerui,  
 Ossaq; membranae, sudoriferiq; meatus,  
 Et cum uisceribus distinctæ in corpore fibræ.  
 Moxq; decus capitis uultus, geminaq; lucernæ  
 Corporis, & custos teneræ palpebra pupillæ.  
 Occiput atq; aures, cilium, caluaria, nasus,  
 Maxillæ duplices, & frons sacra pudori,  
 Temporaq; & nares, calamistratiq; capilli,  
 Elatumq; supercilium, promissaq; barba.  
 Mandibulamq; tegens mentum, labiumq; decorum,  
 Os hominis, rostrumq; auium, rictusq; ferarum.  
 Hinc guttur subit, atq; imo tonsilla palato,  
 Et gula dependens à faucibus, inq; recuruis  
 Gingiuis dentes, septæ munimina linguae.  
 Affinis iugulo ceruix, collumq; superbum,  
 Spinaq; uertebreis toto firmissima dorso,  
 Brachia cum scapulis, humerus, manus, ulna, lacertus,  
 Musculus, axillaq; caua, cubitiq; sequentes,  
 Palmaq; cum digitis, index cum pollice, uerpus,  
 Sinciput atq; uterus, cutis, & cum uentre papilla,  
 Et uentris medium, atq; extremi corporis ungues,  
 Hinc laterum robur costæ, præcordia, mammae,  
 Intestinorum series, cordisq; recessus,



# LIBER

Splen cum felle, iecur, pulmo simul ilia, lumbi,  
 Et fons morborum stomachus, uesica, renesq;  
 Pectora cum pugnīs, & edax cum clunibus aluus,  
 Mentulaq; & femorum partes cum cruribus: inde  
 Vulua, nates, inguen, matrix, præputia, testes,  
 Cum genibus tali, & gemino cum poplite sura,  
 Plantaq; cum pedibus, robustaq; tibia, coxæ,  
 Postremiq; simul calces, & quicquid in ipso  
 Corpore diuersum superest, propriumq; ferarum:  
 Concha, pilus squammæ cum pennis, uellera, setæ,  
 Ungula, cumq; toris palearia, pellis & armi,  
 Cornua cum cristis, mox cauda, proboscis & alæ.

Sed dum præcipuos memorauimus corporis artus,  
 Sensim ad res alias uentum est: pariterq; uidende  
 Quadrupedum species, seuarumq; ordo ferarum,  
 Iunctaq; reptilium uarijs insecta figuris,  
 Squammigerumq; genus pisces, pictaq; uolucres:  
 Et quicquid natum tellus habet, aër & unda,  
 Atq; hominis pedibus subiectum, plurima passim  
 Sponte sua confert securæ commoda uitæ.  
 Principioq; duces, aries, & taurus, & hircus,  
 Mox equus & mulus, uerres, maialis & agnus,  
 Inde sues, ueruex, cumq; ægris porcus asellus,  
 Lanigeriq; greges ouium, petulansq; capella,

Bubalus

# Q V A R T V S:

Bubalus ac barrus, uitulus, bos, uacca, caballus,  
 Capreoli, leporesq; leues, & odora canum uis,  
 Armenia tigres, iracundiq; leones,  
 Cumq; lupis urfi, lynces, panthera, camelus,  
 Simius, ichneumon, erinaceus, hinnulus, histrix,  
 Rhinoceros, elephas, crocodilus, cercopithecus,  
 Tragelaphusq; hippopotamus cum doreade ceruus,  
 Sæuus aper, uolucresq; ibices, pardi; feroces,  
 Syluestresq; onagri, uulpes, leopardus & urus,  
 Talpaq; luce carens, crocuta, sciurus, hyena,  
 Castores amphibij, lutræ, damæq; fugaces,  
 Murilegi feles, sorices cum muribus atq;  
 Mustelis, glires, uiuerra, cuniculus, hædus:  
 Ignotæq; aliæ species atq; ora ferarum,  
 Quæ passim uariis sine nomine procreat orbis.  
 Corporis exigua sunt & quæ mole feruntur,  
 Fucus iners, apiumq; genus, uespæq; nocentes,  
 Infestumq; crabro pecus, atq; infestius æstrum,  
 Musca, culex, bruchus, cynomya, teredo, locusta,  
 Atq; hyemis formica memor, segnisq; cicada,  
 Blattaq; papilio, tineæ, & cum cimice bombyx,  
 Pyraustæ simul & nitidis lampyrides alis,  
 Curculio, campe, conuoluulus atq; cerasfes,  
 Hinc cruca, pulex, & amica cruoris irudo,

Stellio,

# LIBER

Stellio, lumbricus, scarabæus, araneus, aspis.  
 Scorpheus, aspectuq; nocens basiliscus, echidna,  
 Cochlea, & infestus serpens, buprestis & hydrus,  
 Tum domi porta subit testudo, lacerta, dracones,  
 Tippula, rana, grauis bufo, salamandra, rubeta,  
 Cantharis ac limax, scolopendra, phalagia, gryllus.  
 Quinetiam liquidis quædam pascuntur in undis,  
 Ostrea cum conchis, cancer cum murice, perca,  
 Cetus, amansq; hominis delphinus, phoca, balena,  
 Versicolor polypus, cum passere salpa marino,  
 Carpio cum scombris, & cum torpedine rhombus,  
 Cumq; halece scarus, murenaq; sepia, salmo,  
 Gobius, aurataq; acipenser, mena, silurus,  
 Tynnus & anguilla, canis, & cum mugile congrus,  
 Hinc lupus ac barbo, mulusq;, echeneis, hirundo,  
 Quiq; ferunt alijs accepta uocabula rebus.  
 Inde genus uolucrum cœlo quod gaudet aperto,  
 Anser, anas, perdix, turdus, gallina, palumbes,  
 Nisus & accipiter, motacilla, monedula, miluus,  
 Psittacus hinc sequitur, pictisq; nitentia pennis  
 Corpora pauonum, phasianus, turtur, hirundo,  
 Vocales merula, fringillaq; frigore gaudens,  
 Regulus, halcyonesq; & sturnus, alauda, coturnix,  
 Attagen atq; apodes, philomelaq;, passer, acanthis,

Pica

# Q V A R T V S.

Pica loquax, aquilæq; leues, & garrula cornix,  
 Graculus & picus, cuculus, curruca, columba,  
 Gryphes hyperborei, phœnix simul ardea, cygnus,  
 Struthius ac falco, & cum prophyrione, pygargus,  
 Aëriæq; gruës, longoq; ciconia rostro:  
 Hinc fulica atq; parix, uultur, ficedula, mergus,  
 Et cristatus epops, ibisq; infesta colubris,  
 Noctuaq; & meropes, bubo funestus, & otus,  
 Nycticorax, ululæ, strix, uespertilio, coruus,  
 Quæq; locis alio uiuunt sub sole remotis,  
 Et peregrina tenent cognomina. Protinus illis  
 Quicquid in Alcinoi syluis, & Adonidis hortis  
 Crescit, hamadryadum saltus, uiridesq; napeæ,  
 Et quas immenso tellus producit in orbe,  
 Vallibus aut campis, fluuijsq; & montibus altis,  
 Per uarias species necstemus in ordine plantas.

Primaq; citrus adest, mox cedrus & innuba laurus,  
 Hinc acer & ficus, pinguesq; sequuntur oliuæ,  
 Pampinæ uites, & amictæ uitibus ulmi,  
 Persicus atq; pirus, sambucus, amygdalus, ornus,  
 Sacra Ioui quercus, frondosaq; tegmine fagus,  
 Castaneæq; simul coryli, patulæq; iuglandes,  
 Bdellia, lentiscus, fructuq; onerata rubenti  
 Arbutus, & lentæ uictoris premia palma.

Populus & præcox cerasus, nodosaq; cornus,  
 Et platani steriles, curuataq; glandibus ilex,  
 Hinc abies, pinusq; uirens, labrusca, cupressus,  
 Esculus ac tede pingues, ferulaq; minaces,  
 Molle siler, piceæ, malus, terebinthus: at inde  
 Taxus & amnicola salices, lentæq; genistæ,  
 Messilus & morus, larix, oleaster, arundo:  
 Mox hebenus, lotusq; & spinis prunus acutis,  
 Et cum iuniperis cythisi, satuaq; mariscæ:  
 Hinc tilia molles, & fraxinus utilis hastis,  
 Horrentesq; rubi, simul & uiburna, chamædrys,  
 Cum brusco sorbus, cum spino myrtus & alnus,  
 Perpetuoq; uirens buxus, tenuesq; myricæ:  
 Milleq; pomorum species, quibus optima tellus  
 Expromit uarios ima radice sapes,  
 Cum nucleis resinam, & maturo semina fructu,  
 Cumq; acinis baccas, glandesq; uuasq; nucesq;.  
 Hinc frutices simul & nitidæ cum floribus herbæ,  
 Balsama cum casia, thus, myrraq; nardus, amomum,  
 Acatia & moly, mox dira aconita sequuntur,  
 Narcissus, uiola, & nimium rosa plena pudoris,  
 Caucalis, ænanthe, rododaphne & amaracus, iris,  
 Acorus, hyssopusq; althæa, lauendula, caltha,  
 Fœniculumq; anisumq; chelidoniumq; crocumq;,  
 Rugosum

# Q V A R T V S:

Rugosum piper, & pallentis grana cumini,  
 Et cum lactucis gariophylla, zingiber: inde  
 Ozima chærephylumq; immortalesq; amaranthi,  
 Et satyria thymi referens thymbræq; saporem,  
 Salvia, dictamnus, blittum, colocasia, sandyx,  
 Peucedanumq; apiumq; melanthia, petroselinum,  
 Ambrosia, & bacca semper frondentis acanthi,  
 Capparis & tristes inule, corruda, sinapis,  
 Artemidisq; chamæpityosq; atq; achrados herba,  
 Allia cum cepis, coriandra, papauer, anethum,  
 Corchorus in lachanis, carex, absinthia, spelta,  
 Rutaq; serpillumq; & suaue rubens hyacinthus,  
 Silphion, andrachne, raphanus, nasturtia, caules,  
 Brassica cum rapis, cyperus, spinachia, porrum,  
 Pisa, fabæ, ciceres, reliquiq; leguminis ordo,  
 Ordeaq; & milium, far, chondrus, auena, siligo,  
 Infelix lolium, uicia, tristisq; lupinus,  
 Triticeæ messes, & humi nascentia fraga,  
 Cum foenugræco staphylinus, aristolochia:  
 Hinc eruca salax, scolymus, satyriq; gemelli,  
 Marrubium, panicumq; & hyoscyamus, sagapenum,  
 Lapsana, uerbascum, plantago, anchusa, simulq;  
 Esula cum betis, solatrum, strychnus, oriza,  
 Lilia, mentastrumq; euphorbia, centaurea,

# LIBER

Abrotanum, fescelis, mox & cynoglossa sequuntur,  
 Asphodelus, smilax, eryngion, enneaphyllon,  
 Pulegij, nepetæ simul & borraginis herba,  
 Bettonica & scandix, muscus cum rore marino,  
 Inde meliphyllon, panace, scammonia, scilla,  
 Solsequiū, graucolens cunila, ac uerbena, pyrethrum,  
 Hellenium, lupulus, buglossa, filix, adianthum,  
 Errantes hederæ, lapathus cum baccare, malua,  
 Menta, leonpodion, lentes, niucumq; ligustrum,  
 Cum rutilis ebuli baccis, melilotus, hibiscus,  
 Intybus atq; atriplex, boletus, tubera, fungi,  
 Asparagi, pepones, bulbi, gelidusq; citrullus,  
 Et tenero cucumis, longoq; cucurbita collo,  
 Saxifraga, uriganum, mox glycyrriza, melones,  
 Granaq; pæcniæ, uacinia, costus, aizon,  
 Anthemis, & uiscum quod non sua seminat arbos,  
 Ptisana, symphytonq; cichorea, myriophyllon,  
 Clematis atq; aloë, ladanum, hyppericonq; foratum,  
 Hinc sifer, helleborusq; duplex, & noxia succo  
 Galbana, lonchitis, mox camphora, titthymalusq;  
 Mandragoræq; simul flores, & mæsta cicuta,  
 Spinaq; cum rusco, palmarum, lappa, triphyllon,  
 Carduus ac tribulus, rhamnusq; urtica, faselus,  
 Cum pentaphyllo saluica, dracunculus: inde

Cannabis



## Q V A R T V S.

Cannabis & spartum, linumq; , anagyrus & erui,  
 Iuncus cum scyrpo, simul ulua, papyrus & alga,  
 Stirps, radix, folium, flores cum cortice, rami,  
 Spicaq; cum siliquis, stipulaq; & culmus, arista.  
 Sed quis cunctarum uires & nomina uerbis  
 Explicet, aut possit totidem discernere formas?  
 Cum plures herbae quam nomina: proinde relictis  
 Naturae rebus, magis explorata sequemur:

Atq; magistratus dicemus & officiorum  
 Nomina, & artificum diuersas ordine sectas,  
 Archiduces, comites, celsum cum principe regem,  
 Induperatorem, chiliarchon, & inde tribunum.  
 Hinc subit inuicti miles cum caesaris armis,  
 Satrapa, praefectus, gemino cum consule quaestor,  
 Mox praefectus, eques, uexilliferumq; secuti  
 Cum ducibus praeco, legatus, scriba, satelles,  
 Aedilis, praetor, iudex, equitumq; magister,  
 Interrex, censorq; grauis, sanctusq; senatus,  
 Patricioq; simul cum dictatore decani.  
 Carnifici iunctus centurio, lictor & augur,  
 Pontificumq; grauis fido cum praeside coetus.  
 Ianitor atq; uigil, cumq; edituente sacerdos,  
 Sunt etiam uariae famosi nominis artes,  
 Quas quis uel casu, uel quas ratione secutus:

## LIBER

Hinc professorum uenit longissimus ordo,  
 Grammaticus, rhetor, dialecticus, inde sophista,  
 Astrologus, geometra simul, iurisq; peritus,  
 Philosophus, medicus, post musicus atq; poeta,  
 Cumq; mathematico socius chirurgus, & acri  
 Physicus ingenio, uates, phonaescus, aliptes,  
 Tibicen, historicus, phrygio, tractator arithmi,  
 Bibliopola simul sculptor, cocus, archimagirus,  
 Chalcographus, solers pictor, praesagus aruspex.  
 Inde propola uenit pariter cum litis amante  
 Causidico, post hunc fidicen, uespillo, magusq;  
 Pannifices, fullo, tubicen, figulusq; sequuntur,  
 Institor, aurifices, mercator, pharmacopola,  
 Mox lapicida, faber, cytharædus, pellio, textor,  
 Cumq; trapezitis, fusor gemmarius: inde  
 Vinitor, herbarum legulus, factorq; papyri,  
 Athletæ, pugiles, & cum cursore probatus  
 Schoenobates, tonsor, chartarius & gladiator,  
 Quiq; simul statuas, unguentaq; cribraq; sellas,  
 Carbonesq; solent & ultra parare, quibusq;  
 Bractea, marsupium, pariter cimenta, sagittæ,  
 Plaustraq; carpentumq; dedisse uocabula constat.  
 Funificesq; simul sutor, coriarius: & mox  
 Oeconomus, lanus, pincernaq; & architriclinus,  
Pistor,

# Q V A R T V S.

Pistor, & hinc molitor, mensarius, & publicanus:  
 Tum gladiatorum opifex, & notior hospite caupo,  
 Nauta simulq; agilis remex, auriga, uietor,  
 Agricola atq; olitor, piscator, uillicus, auceps.  
 Hinc durus messor, tornarius, histrio, sartor,  
 Mulio & ægonomus, uenator, fossor, agaso,  
 Pastor & upilio, mox bubsequa, mango, subulcus.  
 Inde gradus ueniunt, & iuncti sanguine coetus,  
 Agnati pariter cognatorumq; propago,  
 Affinis, coniunx uxor, proci atq; maritus,  
 Cum socero, sponsusq; gener, socrusq; nurusq;  
 Sobrini, patruusq; grauis, geminiq; parentes  
 Cum genitrice pater, matertera, consobrini,  
 Germaniq; simul fratres, gratæq; sorores:  
 Hinc patruelis adest, natiq; simulq; nepotes,  
 Mox & auus proauusq; & auunculus atq; gemelli,  
 Fratria cum leuiro, iunctusq; sororius: inde  
 Vitricus, atq; audax sequitur cum glorie nouerca,  
 Priuignus pariterq; amita atq; amitinus: at ultra  
 Patronusq; reusq; cliens, testator & hæres,  
 Et cum legitimo paruius tutore pupillus.

Nunc simul ingenijs clarorum inuenta uirorum  
 Instrumenta, operum uariis quæ postulat usus:  
 Et structurarum partes, luxusq; tegentis

# LIBER

Corpus, & escarium percurreret nomina carmen.  
 Quanquam hæc de multis sint pauca uocabula rebus:  
 Mensa, tripos, flibrum, catinus, scutella, canistrum,  
 Vrceus ac scyphus, mox amphora, cantarus, urna,  
 Olla, lebes, cacabus, discus, sartago, patella,  
 Arca, lagena, cadusq; & cocta fidelia limo,  
 Libra, calix, modius, crater, lanx, quadra, salinum,  
 Pocula cum calathis, gutturnia peluis, amussis,  
 Et cum pistillo, mortaria, follis, ahenum,  
 Fuscina, marsupium, & firmis carchesion ansis:  
 Inde ueru, colear, chytropus, mantile, paropsis,  
 Cupaq; cum loculis, cyati, pateræq; capaces:  
 Mox insudibulum, culter, craticula, funda,  
 Mappa simulq; abacus, lychnus, cum forfice, cribrum,  
 Atq; cytoriaca plenæ cum pyxide cistæ.  
 Tessera cum talis, agilis pila, deinde fritillus,  
 Tibia, testudo, cytharæ, tuba, fistula, plectrum,  
 Dux laterna uia, speculum, candelabra, sistrum,  
 Stragula, lodices, lectus, substrataq; mollis  
 Culcitra, puluinar, cunabula, sponda, scabellum,  
 Scrinia, ceruical, iunctisq; aulæa, tapetis,  
 Circinus, ampullæ: mox dentiscalpia, corbes,  
 Antlia, rastelli, mulctræ, catena, batillum,  
 Fusus, uerticulusq; colus, glomus, annulus, orbis,  
 Filæq;

# Q V A R T V S.

Filaq; pecten, acus, simul addita licia tela,  
 Hinc dolabra, lima, cum forcipe, malleus, incus,  
 Ascia cum terebro, cuneus cum cote, securis:  
 Tum runcina, scopæ, fabrilia scalpra, dolones,  
 Torcular, & prælum, ac dentatæ lamina ferræ,  
 Sarcula, uentilabrum, & triplici cum falce bidentes,  
 Carpentum, temo, currus, rota, uomis, aratrum,  
 Arbuteæ crates, & mystica uannus lachi,  
 Stinaq; cum radijs, buris, ligo, canthus & axis:  
 Hinc saccus, dolium, contextaq; fiscina uirga.  
 Gausape, mox restis, pluteus, lectica, cylindrus,  
 Tribulaq; traheaq; & iniquo pondere rastro,  
 Sella quoq; & phaleræ, strigiles, furcæq; bicornes,  
 Calcar cum stimulis, & ephippia, frena, capistrum,  
 Retia, muscipulæq; amites, pedicæ, atq; matellæ,  
 Verriculumq; auidisq; uoratus piscibus hamus,  
 Hastaq; cum clipeo, gladius, uagina, bipennis,  
 Claua, simulq; arcus, & plena pharetra sagittis,  
 Pugio, bombardæ, catapulta, balista, flagellum,  
 Mantica, malluuium, trochus atq; nouacula, parma.  
 His quoq; diuersæ succedunt ordine partes,  
 Aedibus in cunctis quæ plusûc minusûc struuntur:  
 Porticus, aula, domus, pauimentum, limina, postes,  
 Ostia, uestibulum, & bifores cum cardine ualuæ.

# LIBER

Atria, triclinium, puteus, coenacula, scamnum,  
 Cum locuplete penu, stabulum, uiuaria, cella,  
 Hinc hypocausta, bases, canerae, celsaeq; columnae,  
 Iunctaeq; cum caueis apotheca, cubilia, fornix,  
 Carcer, et effosso deducta cloaca canali:  
 Inde peristylum, testudo, gynaecon, antes,  
 Cum fundamento paries, laquearia, portae,  
 Ianua, et interior postica, fenestra, lacunar,  
 Pessulus atq; serae, clauessq; repagula, uectes,  
 Pergula, scala, gradus, podium, praesepe, caminus,  
 Moxq; culina, focus, fornax, sumaria, furnus,  
 Hortus et impluuium, granaria, balnea, turres,  
 Area, protectum simul et subgrundia, culmen,  
 Scandula cum trabibus, tegulaeq; et tignus, et imbrex,  
 Horrea, cancelli, et summi fastigia tecti,  
 Sunt etiam nauis partes, et multa supellex,  
 Malus, et antennae transuersis cornibus, unde  
 Carbasae dependent, remi, crassiq; rudentes,  
 Transtrorum series, pariterq; harpago, carina,  
 Ancora cum rostro prorae, fixusq; repandis  
 Puppibus, et certo rectus moderamine clauus.  
 Indumenta simul uario confecta labore,  
 Pellibus et pannis, de bombyce, uellere, lino:  
 Purpura, pelliciumq; chlamys, toga, penula, sindon,  
Pallia,

# Q V A R T V S.

Pallia, diplois, strophium, multicia, peplum,  
 Hinc tunicis manicae sunt, & redimicula mitris:  
 Byssus ad haec, & cum lato sudaria clauo,  
 Infulaq; & regale decus diadema sequuntur,  
 Bullaq; & interula, stola, flammea, uitta, lacerus,  
 Cingulus & caligae, bracciae, praetexta, tiarae,  
 Baltheus ac thorax, galeae, mox fibula, celsus,  
 Fascia, ciliciumq; & prodigiosa cuculla,  
 Fimbria, reticulum, chirotheca, monilia, pallae,  
 Sandalium, torques, tremulaeq; in uertice crista,  
 Suparus atq; sagum, loricaq; limbus, abolla,  
 Centones, trabeae, cum cyclade, laena, calyptra,  
 Palludamentum, femoralia, bardocucullus,  
 Calceus, atq; ocreae, conus, pileusq; galerus,  
 Cum soleis, crepidae, socci, celsiq; coturni.  
 Sunt etiam omnigenum delectamenta ciborum,  
 Siue ea dura fames reperit, siue ipsa uoluptas:  
 Panis & intritum, simul & bellaria, pultes,  
 Assaq; cum frixa atq; elixa carne, medulla,  
 Condimenta salis, mox & praedulcia mella,  
 Saccaron, offa, garum, tucceta, tomacla, polenta  
 Cum pulpamento, scriblita, botellus, & ouum,  
 Artocreaeq; fauusq; recens, obsonia, manna,  
 Pappaq; sarcimen, petaso, placenta, butyrum,



## LIBER

Durati sale terga suis, cum sumine, perna,  
 Caseus, isſicium, succidia, deinde minuta,  
 Castaneæq; nucesq; & suauē rubentia mala.  
 Hisq; epulis grati miscentur sæpe liquores,  
 Hydromel, & mulsum, ceruisia, nectar, acetum,  
 Potus aquæ, zythum, cum succo pinguis oliui,  
 Cumq; mero, uinum dilutum, ac defruta, mustum,  
 Hinc muriæ latices, & opimi copia lactis,  
 Vile serum, uappæq; stupor, siccræq; saporēs.

Verum hæc humanæ dixis concessa saluti,  
 Morborum ingenti contrâ pensantur aceruo:  
 Quos tandem pariunt uiciati in corpore primum  
 Quattuor humores, cholera & cū sanguine phlegma  
 Atq; melancholia: & rerum peruersus abusus:  
 Nanq; aër, cibus & potus, motusq; quiesq;  
 Somnus & excubiæ, replendiq; insuper ordo,  
 Affectusq; animi, multum dominantur utranq;  
 In partem, & prauo generant moderamine morbos:  
 Qui partem chronici, partim dicuntur acuti.  
 Hinc tussis, spasmus, tetanus, dyspnœa, catarrus,  
 Vuula, singultusq; & cum raucedine rheuma,  
 Strumaq; cum gibbo, sycosis, uerruca, cicatrix,  
 Vomica, lichenes, uarix, glaucoma, parotis,  
 Et cum fursaribus, cumq; intertrigine scyrus,

Lentigo


# Q V A R T V S.

Lentigo ac scabies, & cum porrigine, psora,  
 Phthiriasisq; scatens, furunculus, inq; petigo,  
 Et quæ uicini corpus contagia ledunt,  
 Mydriasisq; simul madarosis, opisthotonosq;  
 Polypus, & graecolens oxæna, grauisq; coryza:  
 Hinc & alopeciam sequitur cephalæa, ueternus,  
 Leucoma, ægilops, ophthalmia, branchus & aphtha,  
 Trichiasis, uutiligo, simulq; scotoma, synanche,  
 Et tactu mentagra nocens, epinyctis & alphos,  
 Phthisis, erysipelas, anorexia, syncopis, asthma:  
 Moxq; paronychia morbo subit algos odonton,  
 Hemicræna grauis, manuum nodosa chiragra,  
 Lepra, elephantiasis, cancer, gangræna, parulis,  
 Hernia, prurigo, rhagades, tumidaq; mariscæ:  
 Inde gonorrhœæ labes, stranguria, & horror,  
 Ischias, arthritis, phagedæna, podagra, mirasmus:  
 Tum dysenteriae fluxus, & tormina uentris,  
 Cumq; diarrœa, licenteria, atq; tenasmus,  
 Icterus, ascites, simul hæmorrois, & hydrops,  
 Bulimus, & languens dyspepsia, calculus, ichor,  
 Colica, lithiasis, dysuria, mox diabetes,  
 Cumq; priapismo, bubon obscænus: at inde  
 Coeliacus morbus, pleuritis, & enterocele,  
 Cardiacusq; dolor, tonsilla, nephritis & anthrax,

# LIB. QVARTVS


Incubus, hydrophobus, raptæq; epilepsia mentis,  
 Quem morbu herculeu dicunt, sacrumq; caducamq;  
 Infaustumq; inter suffragia committalem:  
 Nec paralysis abest, pariterq; epidemica pestis,  
 Ecstasis, & mania furor, atq; insana phrenitis,  
 Ileos, abscessusq; graues, apoplexia morbus  
 Sonticus: hinc herpes, & condyloma sequuntur,  
 Exanthema, simulq; oscedo, cachexia, phlegmon,  
 Pulmonis splenisq; labor, cephalalgia: febres,  
 Hectica cum putrida, tritæa & ephemera, caufon,  
 Quartana, atq; aliæ, quarum discrimina nouit,  
 Qui solus mundi cunctas speculatur abyssos.  
 At nos chiliadas rerum numerare parati,  
 Vocibus in medio priuamur: nec tamen ista  
 Nomina cum proprijs pigeat perdiscere rebus.  
 Cætera quæ restant, nec sunt numerata sub istis  
 Versibus, explebunt doctorum scripta uirorum.  
 Nos quoq; difficili functi mea musa labore,  
 Cum perculsa graui premerentur pectora fluctu,  
 Arma inter media, & rabiosam demonis iram:  
 Carmina nunc alios potius cantare sinamus.

FINIS.











BIBLIOTECA NA.  
ROMA.  
VITTORIO EM.

# CIRCVLI SPHAERAE CVM V. ZONIS.



# ORDO PLANETARVM CVM ASPECTIBVS.

BIBLIOTECA NAZ.  
ROMA  
VITTORIO EMANUELE



# REGIONES ET NOMINA VENTORVM.

## SEPTENTRIO.

Θεασκίας  
Circius

Απάρκτίας  
Septentrionarius  
Nord.

Βορέας  
Aquila

Αγέης  
Caurus

Καυκίας  
Helleſpōtius



Απηνιώτης  
Subsolanus  
Ost.

Εὐρ⊙  
Vulturius

Λιβόνος

Νότ⊙  
Auster  
Sud.

Εὐρόνος

## MERIDIES.



# UNIVERSALIS

Ordo Climates



SEPTE



300 330 360 30 60 90

# COSMOGRAPHIA

Gradus Latitudinis

TETRIO



M.D.XLVI






























BIBLIOTHECA NAZ.  
ROMA  
E. VITTORIO EMANUELE



BIBLIOTHECA NAZ.  
VITRARI ERMANUE.







BIBLIOTECA NAZIONALE  
ROMA  
VITTORIO EMANUELE

20

76





TIS  
CIA  
DECAPOLIS  
EN  
bon  
ITA  
EA







PONTVS EVXINVS



BIBLIOTHECA NAZ.  
PONTA  
VITRARI



